

Սրապեան՝ կը վարժին հոգևորական կենաց միջոցները ուսանելով և ազգային դպրութեանց մէջ յառաջելով 1: Ապա ուսանողացմէ ոմանք բոլորովին հոգևորական կենաց կը նուիրեն զիրենք, և այլք Նախիջլեանու կամ այլ եկեղեցեաց մէջ դպրաց պաշտօն կը վարեն:

Վանքիս եկեղեցւոյն մտից աջակողմեան պատին այս յիշատակարանս կարդացի. « Ծնորհօքն Աստուծոյ կառուցի զՍուրբ Խաչ վանքս, 'ի սմա զդըպրոց և զտպարան, ես Սանահնեցի Արղութեանց Երօշ — Բէկի որդի, և սուրբ Էջմիածնայ նուիրակ Ռուսաց երկրի Հայոցս առաջնորդ Յովսէփ արքեպիսկոպոս, 'ի կայսերութեան ամենայն Ռուսաց Եկատերինէ Ալէքսեյովնայի երկրորդի, և 'ի հայրապետութեան Հայոց Տեառն Ղախասու, աշխատութեամբ հոգևոր որդւոյ իմոյ Բայազիտցի կարապետ վարդապետի: Օծեալ եղև յամի Տեառն 1791 և 'ի Հայոց թուականի 1240, 'ի սեպտեմբերի: Այս յիշատակարանի մարմարիօնեայ քառակուսի քարը, ինչպէս կ'երևայ յետ 'ի հիմանց նորոգութեան տաճարին՝ վերստին ազուցած են որմին մէջ, վասն զի այլ նոր յիշատակարան մի կը ծանուցանէ մեզ, թէ 1863 ին « Ի հիմանց նորոգեցաւ այս Սուրբ Խաչ եկեղեցին՝ յորդորանօք Գերպ. Տեառն Կարբիելի Այվազեան, հոգաբարձութեամբ ՊՊ. Գէորգայ Խաթրանեան և Ալեքսանդրի Ալաճալեան »:

1. Այս դպրոցս Մարդասիրական ընկերութեան խնամով և նպաստիւք կը յառաջադիմէ. իսկ այդ ընկերութիւնը իւր արդիւնքներով, պտուղ է անխոնջ աշխատութեանց իմաստընչականի, Պ. Եպիփանու Պոյսոյեան: